

沙河縣志

林清揚
署簽

沙河縣志卷十

文獻志下

列女

明

生員王得時女玉梅正德六年流賊至得時多力奪賊刀傷二賊賊怒率衆焚其家時女年十七賊驅之行女不行而罵賊殺之三斷其尸縣令陳斌具事以聞建雙烈祠於府南關與邢臺烈女張端莊同祠祀之

畿輔通志 清樊周建過烈女王玉梅墓詩荒臺寂寞記何年俠骨貞魂千載

傳行至墳前驚勒馬碧雲猶傍朔風寒

生員朱洪妻董氏年二十八歲守節子魁方二歲以母而兼父師後魁爲京衛經歷曾孫裳爲副都御史年九十三卒

韓斌妻樊氏二十七歲守節教子孝舅姑弘治中旌

張俊妻李氏年二十五而寡紡績以事舅姑訓子璉入泮以節壽終正德元年建坊

沙河縣志

卷十 文獻志下 列女

一

旌表

侯諫妻邵氏年十八諫溺死撫遺腹子善成立守志終身

許宗周妻趙氏年十七夫亡有求婚者峻拒之守節終身嘉靖間旌

鄭國章

府志作周國章

妻元氏年二十三而寡無子其母促令改醮遂自經死隆慶四年通

判戴某旌門委官祭墓

韓世福妻李氏事姑以孝聞勸夫以產讓弟夫歿守節二子俱幼鬻產償遺債族有欺其孤寡而詬門者甘受不校輿評稱爲女中君子萬歷十年有司旌其門

武寶妻周氏年二十五夫卒守節四十餘年勤儉撫孤家業日隆鄰里戚族貧乏者周恤不吝萬歷中有司旌其門

韓九人妻劉氏年二十四而寡遺孤二亦俱歿家貧守志艱苦自矢卒年五十三旌表

通判趙從學妻吳氏年二十七守節撫育二子俱入泮孀居三十餘年萬歷十五年

縣令表其門

唐卿妻元氏年二十三而寡姑老子國禎甫二歲勤紡織負薪水節孝並稱壽至九十有七萬歷十六年請旌

韓時光妻甯氏二十二歲守節至七十九而卒教子循守禮法著爲家規門庭肅然趙之垣妻杜氏夫病十餘年杜事之惟謹及歿悲不自勝有諷之改節者慚憤仰藥死萬歷四十年請旌

周文運母張氏年二十五而寡時文運未周歲苦志撫養相依爲命卒年八十二天啟五年詔建坊

李令譽妻樊氏年十八歲守節事孀姑以孝聞崇禎三年詔建坊後值寇亂投井死任古揚妻周氏年二十而寡子萬庫方在抱撫之守節至八十三歲卒崇禎十一年建坊在縣北關外

張自秀繼室何氏夫故矢志撫孤教養備至後長子師孔應鄉薦次子師道爲明經

沙河縣志

卷十 文獻志下 列女

二

壽七十三卒

趙繼成妻于氏年二十二寡居斷髮毀容奉姑撫子勤紡織親白爨苦節六十餘年卒年八十有九

劉聖經妻石氏年二十三夫死值明末寇亂家無儲蓄石守志益堅人高其節

梁民服妻李氏年二十二而寡家貧遺子道明李口授以詩比長令從外祖李某肄業後中甲子儲魁

廩生李成妻孟氏性至孝姑病籲天祈代後姑歿夫以哀毀卒遺子珍明末寇亂避城中城陷率珍婦盧氏投井死

鄭邦奇妻李氏年十七而寡遺一子未周歲守志奉姑崇禎間旌明季兵亂抱孫女投井賊下石擊死祀烈女祠

張其度妻許氏其衡妻白氏其程妻李氏崇禎庚辰土寇劫掠其度兄弟翼父師顏出逃遇賊俱被害許及兩娣伏尸哭遂聯袂投井衆力止之又聚一室投縵家人更

番守之得不死乃勤苦訓兒以終

王業隆妻郭氏烈女玉梅之姪曾孫婦也孝舅姑睦娣姒業隆歿郭年二十二絕粒

七日卒

俱同上

清

王郭妻任氏年二十九夫亡家貧子幼或勸之嫁不應教子讀書守節五十餘年順

治初巡按御史疊旌其門

畿輔通志

樊時新妻張氏年二十五夫亡家貧常並日而食守節七十餘年壽九十有七順治

三年旌

生員胡三錫妻侯氏年二十三夫亡屢經兵燹守節不改卒年八十有四順治四年

旌

李悅我妻楊氏年二十夫亡生子凌雲甫九日事舅姑孝撫子成立康熙元年旌

生員陳

府志作李

挺生妻趙氏年二十餘夫亡無子所遺財物悉與諸姪矢志終身縣令

沙河縣志

卷十 文獻志下 列女

三

馮源給匾旌之

李有閔妻韓氏年二十夫亡遭兵燹後備歷艱苦撫二子瞻望成立瞻入庠守節四

十餘年康熙八年有司屢旌其門

貢生趙鳴世妻施氏年二十五夫亡兵亂後家貧如洗撫二子汝沈汝默皆入邑庠

守節四十餘年康熙中旌

增生樊衛國妻裴氏年二十一夫亡撫二子秀茂入庠守節四十餘年旌

尙志妻周氏年二十四夫亡守節事姑孝撫穉子成立縣令談九乾旌其門

郭拱太繼妻周氏年未二十夫亡撫前室子弘功如已出及長游庠弘功亦早喪家

窘甚勵操益堅縣令畢鼎旌其門

王國正妻汪氏年二十三夫亡以紡績養舅姑自奉甚儉守節五十餘年縣令錢大

鼎旌其門

武善言妻蘇氏年二十七夫亡撫遺腹子進祿成立苦守三十餘年

楊從喜妻許氏年二十夫亡矢志守節子培元孫文燦文煥俱弱冠入庠壽至八十餘卒

紀有妻韓氏年二十九夫亡無子撫姪善慶為嗣苦守四十年孫治已游庠縣令趙銘額其門曰人欽苦節

宋顯祚妻趙氏年二十七夫亡苦守六十餘年

生員姚紹堯妾杜氏年二十四夫亡遺子甫三歲或欲奪其志杜不從撫子克順成立守節四十餘年乾隆九年旌

張四子妻侯氏曾某調姦不從自縊死乾隆九年旌

尚毓榮妻趙氏年二十九夫亡苦節事姑教二子天祿天爵成名乾隆十二年旌

廩生張所裕妻劉氏年二十六夫亡遺孤尚幼勵志守節事祖姑及姑曲盡孝養乾隆十三年旌

俱同上

程赫旦妻呂氏有端秋子者過其門出言相謔呂怒叱之入室投縊自盡時乾隆二

沙河縣志

卷十 文獻志下 列女

四

十年四月八日也縣令杜灝表其門舊志兼採
畿補通志

李有伏妻董氏有伏貧寄居族兄某家一日某突入董室戲之董正色斥詈羞忿莫

釋乘間自經死縣令杜灝廉得其情以某抵法而為氏申請旌表同上
杜灝哀二烈婦詩并序二烈

婦者程赫旦妻呂氏李有伏妻董氏均以烈死宜並膺旌典為言於上官呂格於例不果董則綽楔屹然矣爰作詩記之 猜猜龙吠忽相驚斷臂投梭氣未平但使當時遲一死便令他日愧餘生尋常匹婦經溝瀆輝映千秋並姓名冰雪齊欽敦薄俗恨難一例荷褒旌

孔傳揚妻張氏年二十二夫亡姑若嫂屢欲嫁之矢志不移撫子繼兆成立守節五

十餘年卒畿補
通志

靳保賢妻侯氏年二十五夫亡遺孤成家纔二歲撫之成立守節四十餘年縣令杜

灝給匾旌之

張儲貴妻元氏高亮強姦不從自縊死乾隆二十九年旌

宋某女二姐羞忿投縊死時年十六歲乾隆三十三年旌

俱同上

監生張天明妻李氏年二十二夫亡撫育遺孤守節三十三年畿輔通志子儒林附貢生

孫聯珠武生營千總乾隆三十八年旌續志

邢已生妻胡氏孟四子圖姦不從自縊死乾隆五十一年旌畿輔通志

劉文印女閨姐幼字同村張姓年未及笄鄰有無賴子李成林夜入其室閨姐與母操杖擊之成林遁閨姐羞忿乘間自縊死事聞建坊旌表

張自富妻呂氏孝事翁姑姑亡翁貧甚無以爲養呂病憊有憐其餓者以饁餘呼呂食不應使童子餉之仍留其半啖翁翁詰其何從告以故始食其患難克守婦職如此

庠生胡文謨妻張氏夫患病經年不愈姑亦耄呻吟牀蓐間張侍湯藥無倦色年二十八夫亡撫育子女至於成立

韓繼麟妻王氏孝事舅姑年二十九夫亡遺二女皆幼撫夫弟子爲嗣翁姑歿喪葬盡禮男女婚嫁皆身任之年逾八旬以壽終

沙河縣志

卷十 文獻志下 列女

五

馬光輝妻李氏年二十九夫亡遺子女各一姑繼卒事後姑李曲盡婦職守節終身年逾七十卒

任以廣繼室劉氏年十八于歸結縈四十日夫亡前室子廷孝甫周歲姑病劉朝夕在視姑歿家囊甚挈廷孝依母家母家欲奪其志劉不可守節終身

閻奉泰妻唐氏年十九夫亡與孀姑杜氏矢志苦守年五十有二守節三十餘年郭琮妻劉氏少嫻女誠舉動由禮年二十二夫亡遺一女琮繼兩桃兩姑皆嫠居家餘薄田二十畝劉孝事孀姑撫育孤女族有覬產者凌之守志不渝以族子振倫爲嗣營葬數喪年八十有三卒

張全居妻李氏年二十八夫亡子玉書方二歲家貧無依族屬屢加凌虐李安之不與校撫孤成立守節二十餘年年四十九卒後曾孫煊成武進士

武生李雲繼室冀氏年二十餘夫亡撫襁褓遺孤成立守節五十餘年壽七十有七卒

王亮妻聶氏年二十六夫亡撫育二女事舅姑以孝聞守節四十餘年
王璇妻王氏夫亡無子僅遺薄田數畝苦節不渝後以夫弟次子爲嗣孫三長化南
入庠

王思聰妻韓氏夫早卒無子立志守節撫夫弟子昌爲嗣勤儉持家壽八十有五孫
曾林立

王鄰妻申氏夫貿易於外久無耗姑老失明申竭力奉侍積針指資財爲夫蓄妾鄧
氏及夫歸妾生二男一女里人賢之

生員倪璠繼室李氏年十七夫亡誓不改節孝事翁姑撫前室子大邦入泮孫培元
曾孫亢宗玄孫清源皆列庠序壽八十有二卒

張速妻宋氏于歸數月夫爲翁逐逃於外久無音問宋年二十二或諷之嫁終無異
志事翁姑以孝著享年八十有四卒

梁訓庭妻李氏性純孝姑待之嚴有過督責不少貸終無慍色夫死無子至老貧不

沙河縣志

卷十 文獻志下 列女

六

聊生自縊死

鄭永享妻宗氏年二十二夫亡無子孝事孀姑撫族子爲嗣爲娶婦生孫三人壽八
十有四卒

尙永福妻韓氏高祖姑周曾祖姑趙兩世皆以節著永福早世父老子幼韓年甫二
十有五毅然守節不墜家聲縣令葉之筠表其門

胡事春妻張氏青年孀處子女俱無姑陳氏在堂孝養無缺比歿拮据營葬人以爲
難

胡範柯妻周氏夫早亡子婦亦早逝周撫孫事道成立名列膠庠年五十六卒
程興妻鄭氏年二十七夫亡子建福甫周歲翁姑年耄仰事俯畜備極艱辛訓建福

讀書與孫林源均相繼入庠以壽終

焦文魁妻苑氏年十七于歸十九夫亡生遺腹子經連夫兄虐寄居母家子長教以
讀書卒能成立

王卿雲妻李氏明王得時七世孫婦年二十七夫亡有女子三人立夫同堂孫爲嗣撫之成立守節六十餘年壽屆期頤

王憲妻劉氏得時十世孫婦年二十七夫亡子尙幼繼姑與氏析居子然獨處課子力田年逾七十卒

石陵妻侯氏年二十五夫亡二孤俱幼翁姑在堂克盡婦職壽逾七十孫曾林立

張金明繼室邢氏年十九夫亡無子家貧苦志節凜然與同時張天明妻李氏並稱李已建坊氏以無力故未膺旌典

庠生趙福重繼室薛氏年二十二夫亡撫一子一女紡績度日苦節終身

馮某妻某氏子二成妻趙氏孫士昌妻劉氏曾孫武生占鼈妻霍氏

據續志氏係邑舉人琚女孫

玄孫豁子妻方氏五世嫠居俱苦守以終

王廷玉妻侯氏年十九夫亡守節事孀姑克盡婦道撫子喆成立入庠

石萬興妻李氏年二十二夫亡子甫晬家無斗筲李矢志撫孤操作類男子家以稍

沙河縣志

卷十 文獻志下 列女

七

裕歲荒以所積蔬菜糠粃濟貧多賴以存活孫五人曾孫十人次孫作銘入庠卒年七十有七

李必端妻周氏年二十五夫亡子墉幼舅姑性嚴急周事之惟謹墉復早喪與子婦劉氏守節以終

侯文超妻樊氏年三十夫亡子士傑妻傅氏年二十三亦寡生遺腹子姑婦相依苦守撫之成立樊卒年七十有三

唐立亮側室劉氏事嫡閔氏盡禮能得其歡心年二十七而寡與嫡撫遺孤諍成立補武庠生年七十卒

孟福秀妻張氏年十九夫亡上事祖姑下撫穉子閻範肅然

王秉直妻韓氏年二十七夫亡守節育孤勤儉持家親族之貧者賙恤之撫夫堂弟長爲授室村人彭張二姓女皆幼失怙恃收養於家至於成立節而兼義尤巾幗所難子萬倉監生孫建勳庠生

閻清傑妻溫氏性沈靜寡言夫早亡事翁姑以孝聞孫曾林立人以爲節孝之報
任鶴鳴妻姚氏年十七于歸二十六夫亡時流賊竄擾掠村莊姚與夫同族任金貴
女強姐聯袂赴井死強姐年十六均於同治初年旌

胡萬育妻張氏年十八于歸二十一夫亡孝事翁姑親操井臼年至六十餘同治七
年旌

生員趙觀光妻董氏年二十四夫亡生員趙霞光妻胡氏年二十七夫亡皆養親撫
孤安貧茹苦董守節五十餘年胡守節四十餘年均於同治七年旌

生員苑中璧妻趙氏年二十九夫亡秦繼舜妻李氏年二十四夫亡皆善事舅姑撫
子成立趙卒年六十有八李卒年四十有六均於同治七年旌

黃名士妻李氏年十九于歸二十五夫亡事孀姑克盡婦道教子有方守節三十餘
年同治七年旌

王獎妻蘇氏年十七于歸二十五夫亡婦德母儀孝慈兼備壽九十餘歲同治七年

沙河縣志

卷十 文獻志下 列女

八

旌

杜鏞妻郭氏年十八于歸二十二夫亡二姑老病事之惟謹不以貧苦易節守節三
十餘年同治七年旌

武名元妻呂氏年十九于歸二十五夫亡撫孤開泰入庠守節十餘年卒同治七年
旌

邢鳳池妻朱氏武安人年十七于歸二十二夫亡含哀以事孀姑撫子成立卒年五
十有五同治十年旌

俱同上

霍福明妻靳氏年二十夫亡撫夫姪經爲嗣壽至八十

畿輔通志

霍福哲妻劉氏年二十

八夫亡遺三子長經監生出後世父次倫次維劉撫之成立經諸生孫志周志唐亦
相繼游庠壽至六十餘均於同治十年旌志唐妻李氏亦以節孝著

續志

武生武錫鵬妻高氏年二十一夫亡申桐妻郭氏年二十七夫亡皆孝事舅姑矢志
靡他高守節三十三年同治十年旌郭守節三十八年同治十一年旌

畿輔通志

武生靳傑妻張氏年二十三夫亡陳謐妻劉氏年二十七夫亡皆養親撫孤終始無異張守節三十二年同治十一年旌劉守節三十三年同治十三年旌

李汝賢妻武氏年十九于歸二十三夫亡撫遺腹子成立恪守婦道守節三十四年

同治十三年旌俱同上

張得倉妻張氏年十八于歸二十六夫亡孝事翁姑撫遺腹子迪吉續志按通志載張只一女與

此異或迪吉早夭未成立俟考守節五十餘年同治十三年旌畿輔通志

生員李大成繼室張氏年十八于歸未周歲夫亡善事孀姑撫前室子琦成立勤儉

持家卒年七十有三續志

增生呂叻妻王氏年二十五夫亡子女俱無氏矢志殉夫以翁姑在堂中止後翁姑撫他人子為嗣氏慨然曰吾所以不即從夫地下者以翁姑無子故耳今何以生為遂投繯死聞者哀之

武生趙璽側室景氏年二十四夫亡子甫三歲與嫡李氏紡績撫孤李歿景子身持

沙河縣志

卷十 文獻志下 列女

九

家教子讀書游庠卒年四十二

申光潤妻游氏年二十二夫亡撫襁褓兒成立守節三十餘年

郝安和妻冀氏夫早亡冀事兩祖姑克盡婦職勤儉持家教子有方子上庠官至山

東曹州鎮總兵

王文元妻姚氏年二十七夫亡孝事孀姑教子詠南游庠詠南早卒妻李氏亦矢志

苦守姚年七十餘李年五十餘

趙國賢妻焦氏年二十五夫亡家窘甚勤苦操作供子讀縣令趙蘇門給匾旌之

韓順宗妻李氏年二十六夫亡仰事俯畜備極艱辛年逾八旬孫曾林立

李培妻高氏年二十七夫亡遺一女翁老失明祖姑尚在高與姑淮氏奉事惟謹家貧至借屋以居終始不渝其節

武生李燦妻石氏年二十四夫亡姑老子幼事畜惟勤子崑巖中道光二年武舉

李輝妻薛氏年二十五夫亡撫遺腹女勤紡績不出戶庭以夫兄子夢蘭為嗣守節

四十餘年卒

呂作祥妻李氏年二十五夫亡無子撫夫堂弟子合消爲嗣族有覬產逼嫁者力拒之事翁姑以孝聞勤苦儉約家業日豐守節四十餘年

張德隆妻董氏年二十三夫亡生遺腹子宗禹舅姑老家僅薄田十餘畝董身任事畜畫樵夜績以爲常守節五十餘年

庠生呂天佑妻霍氏少寡撫孤子詩游庠詩早卒婦潘氏亦矢志苦守

孔某妻趙氏明達有大度鄰人竊其柴草事發縱之不與校他行事類是無子撫庶子廣源如己出夫亡與妾鄭氏守節訓子廣源旋中道光十五年副榜弟賈氏亦早孤守節撫遺腹子廣文成立爲增生

連登科繼室張氏年二十八夫亡家貧姑老子女俱幼養生葬死皆身任之卒年八十有二

李玉成妻胡氏年二十五夫亡撫夫姪珍爲嗣事舅姑盡禮以壽終

沙河縣志

卷十 文獻志下 列女

十

陳文恭妻牛氏年二十七夫亡遺二女亦殤牛痛不欲生絕粒數日卒

邢會元妻白氏夫亡無子遺四女皆幼氏勤儉持家紡織不輟後女皆成立遺嫁族黨稱之

趙文元妻王氏年二十七夫亡遺子女各一家貧甚氏勤儉自持家以小康撫子女皆成立

邢義貴妻朱氏武安人年二十二夫亡撫育子女克儉克勤邢智貴妻張氏年十七夫亡無子女有諷以改適者矢志不移

胡憲章妻許氏拔貢大輔妹年二十三夫亡孝事翁姑撫夫兄子清元爲嗣清元早逝遺一子亦殤許與寡媳矢志苦守年六十餘

俱同上

庠生彭錡妻郝氏年二十五夫亡姑老多病子文澄幼郝身任事畜經理家務內外

井井後文澄及子紹聞先後游庠同治十二年縣令李福田旌其門

採訪冊

彭某妻侯氏年二十四夫亡生遺腹子文魁事舅姑以孝稱文魁亦早卒婦劉氏與

姑撫遺孤述成立後述及子學賢皆游庠同治十三年郡守薛斯來各給匾旌之
郝彥妻王氏年二十四夫亡無子女撫夫兄子爲嗣教之成立孝舅姑睦娣姒光緒
中縣令吳沂表其門

劉德峻妻周氏年二十七夫亡矢志靡他光緒二十三年旌

武生劉鴻春妻李氏年二十一夫亡斷指誓不他適撫孤女及遺腹子清澄成立勤
苦操作家以富饒卒年七十四光緒二十四年縣令曾慶琛民國十年知事湯銘彝
皆旌其門

張謨妻苑氏早寡守志光緒中縣令王錦陽旌其門

解繼祖妻高氏年十九夫亡無子孝事舅姑守節四十餘年光緒三十年旌

段茂林妻張氏年十九夫亡守節子女俱無撫夫弟子文藻爲嗣俾讀書游庠氏習
針法小兒患喉痛者針之立愈求者日踵門全活甚衆光緒末捐制錢三百緡典宅
一所作校舍縣令李綺青旌其門

沙河縣志

卷十 文獻志下 列女

十一

庠生申金鏡妻王氏武舉景春姑母舉人延升祖姑母年三十夫亡無子遺三女皆
殤撫夫弟子守先爲嗣事翁姑孝待妯娌和守節四十年卒年六十九宣統三年旌
建坊墓前

李九經妻翟氏年二十四夫亡姑龐臥病經年侍湯藥惟謹龐歿遺子九積五歲九
思生纔四日氏撫養成立綜理家政諸無廢事存年六十九

許明堂妻趙氏年二十九夫亡事姑撫子誓不改節偶之瓜圃鄰人某對之旋焉趙
以爲戲己羞忿絕粒死鄉人泐石紀其事

楊洛有妻某氏年二十二夫亡守節勤儉持家撫前室子如己出卒年六十八
王秉輝妻王氏年二十五夫亡撫二遺孤成立姑善病奉事惟謹姑歿事繼姑盡孝
夫兄秉彝幼失明勸翁爲之授室自奉菲薄鄰里借貸無不應鄉人稱盛德焉

趙文秀妻侯氏年三十夫亡守節存年七十

郭萬春妻陳氏年二十夫亡無子守節四十餘年

李守法妻李氏年三十夫亡無子守節五十餘年

韓增壽妻楊氏年二十六夫亡無子事翁姑孝守節五十年

郭大海妻趙氏年二十一夫亡事翁姑孝守節三十八年

郝居敬妻任氏年二十三夫亡守節五十四年

邵希成妻任氏年二十三夫亡無子守節三十七年

邵馭貴繼室李氏年二十九夫亡無所出事姑孝撫前室子振基慈嚴並用家計漸裕守節四十餘年年七十有三孫升德亦早世妻趙氏年二十九事親教子守志不渝卒年七十有七

焦天偉妻趙氏年二十五夫亡守節卒年六十二

端起雲妻某氏年二十八夫亡遺孤纔二歲比長教之讀書游庠卒年七十九

侯在妻陳氏年二十五夫亡事親孝撫子守經成立卒年六十九

張廣福妻趙氏年二十四夫亡遺一子甫兩月守節四十餘年卒年七十

沙河縣志

卷十 文獻志下 列女

十二

廩生張書田妻唐氏年十九夫亡無子家貧苦守志不渝以紡織自給撫嗣子萬富成立薄田數畝里人某侵佔置弗校晚年夔益甚每歲除族黨恆周卹之年七十二卒

韓崇德妻陳氏年二十五夫亡遺一子甫兩月陳誓以身殉月餘爲子覓乳母沐浴更衣自經於棺側

李諍母秦氏年二十八夫亡遺田五十畝子幼勵志苦守家業日豐卒年七十

生員李連元妻杜氏年二十九夫亡事繼姑呂盡禮訓子不顯游庠卒年七十八

游聚名妻黃氏年二十七夫亡無子撫夫姪爲嗣家貧事舅姑克盡婦職存年八十

一

王三元妻徐氏年二十三夫亡守節存年七十二

陳九德妻李氏年二十三夫亡孀居六十餘年以節終

王整年妻端氏年二十四夫亡遺孤方二歲姑老失明以紡績供事畜卒年七十有

三

任大德妻李氏年二十八夫亡守節艱苦卒年七十九

張春鴻妻任氏年二十九夫亡守志撫孤卒年七十一

賈守堂妻麻氏年二十八夫亡守節垂五十年卒年七十七

林清魁妻吳氏年二十四夫亡守節撫夫姪鶴年為嗣卒年七十有六

任某妻任氏年十七于歸數月夫亡家酷貧撫夫姪花牛為嗣艱苦自持卒年七十有五

魏宗唐妻韓氏年十九夫亡無子女姑屢遣嫁矢志不搖以夫弟子思聰為嗣思聰早世與婦靳氏撫孫男女六人成立性嚴厲督家人操作不少貸用是富甲一鄉光緒二十六年旱施穀種若干石人感其惠壽至八十有三卒

魏琳妻王氏年十九夫亡遺一女撫夫弟子清彥為嗣勵志守節勤儉持家卒年八十五

沙河縣志

卷十 文獻志下 列女 宦績

十三

魏清修妻元氏歲貢修文姊年二十四夫亡子女俱殤矢志靡他撫夫姪毓珍為嗣

姑病痿十餘年奉事無情容卒年七十五

李鉅妻石氏年二十六夫逃亡在外無音耗家赤貧石紡織度日不出戶庭孝事祖翁暨翁姑及歿營葬盡禮撫穉子永年永全成立俾讀書嗣舊業後家計漸豐好施與冬月貧無衣者輒賙恤之縣令某給匾曰節孝可風

李逢春繼室李氏年三十夫亡遺三子長前室所出李撫之如一守節三十餘年卒年七十有二

李慶時妻陳氏年十七于歸逾年夫亡未幾叔慶年亦夭翁年六十餘自分絕嗣恆悲泣陳慨然典賣奩具為翁納妾生二女一男男慶昌陳愛如掌珠翁姑繼逝與庶姑撫遺孤俾讀書成立孀居四十餘年戚族欲為請旌輒遜謝時論賢之

俱同上

宦績

金

孫德淵字資深興中州人明昌中令沙河邑有盜秋桑者主捕之盜自傷其足面訴之縣德淵曰逐捕而傷瘡必在後今在前乃自刺也盜引服大安初爲昭義軍節度使元兵破潞州被執有沙河舊民護之得脫祀名宦志舊

元

李滋榮寧晉人至元中任沙河主簿遇徭役與長官依法核稽隨時銷註使貧富無畸重畸輕嘗監造鑊葉約束嚴吏不敢尅減漁利甫十旬訖功士民立碑頌之志舊

呂誠不知何許人元初授沙河達嚕噶齊是時順德九縣屬達刺罕部各置達嚕噶齊一員率武弁不諳政治姦吏依勢婪索百姓駭散閭井蕭條民皆以土墀戶穴地出入長官夜理訟牒時稱鬼衙甚有棄印逃者誠莅任務崇清靜與民休息憤同僚貪殘無狀偕邑紳馬德謙走萬里言於本部願以所屬歸王府世祖在潛邸爲請於朝許之民因以蘇歸者如市末期月戶增兩倍事詳宋子貞改邢州爲順德府記志續

陳伯祥大德中尹沙河修學造士民爲立碑學宮志舊

沙河縣志

卷十 文獻志下 宦績

十四

顏仲德楚邱人元統中尹沙河始下車即嚴條約訟者以理開諭皆愧服嘗於曠地植柳數千株伐薪鬻之藩王會司往返資費悉取給焉廉司問以疑獄五悉爲剖決立有去思碑祀名宦畿輔通志兼採舊志

明

李戡新城人永樂中知縣事存心謹慎多所創建志舊

成信岐山舉人成化七年知縣事剛明有爲修學校及公署陞鄖陽通判

張謹合肥監生弘治十八年知縣事時縣治初復謹勤於修繕民不知勞時稱有爲方豪開化進士正德十二年知縣事興學勸農賑飢寬通節馬政轉輸之價定往來辨

酬應之規秩滿縣民乞留弗獲遷邢部主事祀名宦

劉碧濰縣貢生嘉靖四年知縣事以清慎稱調安塞立有去思碑俱同上

姚鍾仁和舉人嘉靖八年知縣事甫下車即擇便民者次第施行郡守李某性嚴厲屬吏受約束惟謹鍾侃侃陳民隱多至數千言或尼之鍾歎曰我不言誰敢言者歲

饑西山盜起鍾主招撫當道者輒以捕殺為功憂懣成疾卒士民爭營棺殮祀名宦

畿輔通志
兼採舊志

饒伯鈞江都監生嘉靖十一年由廣宗調沙河邑當衝衢迎送餼廩之需舊出里甲伯鈞身任之不以累民西山去縣寫遠每征調罔敢後者居三年民無健訟舊志

任環長治進士嘉靖二十四年由廣平調沙河勸農修學有循吏風一日對父言迎

送勞苦父曰乘肩輿猶言勞較舁肩輿者何如環感其言益殫心撫字頌聲大作以

憂去民建祠立碑擢蘇州貳守有禦倭功事詳明史累遷至參政卒贈光祿卿祀名

宦

毛國賢鄞縣舉人嘉靖二十九年知縣事多善政陞江寧尹祀名宦

知縣毛公去思碑吾邑

當朝會通衢其為路也甚衝且岡陵沙礫半於郊野其為地也甚瘠夫路衝則事繁地瘠則財匱民之愁苦呻吟已非一朝一夕之故所藉以保息而安全之者惟良有司是望顧得之非易易也嘉靖庚戌我侯來令茲邑甫下車輒詢及父老悉聞其所以艱難困苦之實遂惻然太息曰民何不幸而生於茲土乎苟吾無以為之所則上負國家設官之意下負斯民仰望之切矣由是勤恤民隱起弊興衰凡可以安養元元者靡不兼舉癸丑甲寅歲大飢侯出倉廩設饘粥歎後復多疫疾更捐俸施藥以

沙河縣志

卷十 文獻志下 宦績

十五

安襪之賴以全活者甚眾沙地卑下西山諸水泛濫則驟沒田廬侯築防捍禦及疏濬留村等河城郭弗固則創建長春肅清兩關樓臺公私不費他如栽柳折乾以蘇支應添設排皂以資送迎又獲魏忠等假印三顆擒賈寅等強寇數夥清牧地而馬戶沾恩徧植木而農桑勸作新學校則立會較課而譽髦倍增婚喪或乏必為之助以至倉庾橋梁壇場祠廨百廢俱興而絲財不斂是以吏畏民懷災禦患捍所謂敦龐淳固於是乎成吾邑實永賴之越乙卯晉秩京縣尹將行邑之士庶無問老少咸垂泣失聲曰何一旦失我真父母耶既去而思慕之不置致政胡恂等立祠祀之欲勒石以識永久句言於予予惟前之令我邑者多矣而立祠建石惟棠陵方侯復菴任侯逮侯凡三見至獲增秩遷擢者惟侯一人藉非保息安全之實有以乎上下何以能致此而乃我侯得之不誠難矣哉抑余聞侯先世多顯達如冬官卿倫都給諫弘皆為名臣侯承其世澤不忝前人此固循之本歟公諱國賢字正之別號峩山領戊子鄉薦浙之鄞縣人

楊世卿長子舉人嘉靖四十一年知縣事調停衝疲均省徭役時大水沖沒民田二

千餘頃世卿言於上官分派郡東六邑民困少蘇遷隴州牧官至員外郎祀名宦

附世

卿議請均糧詳文為議處衝毀地畝稅糧以蘇民困以便徵輸事照得本縣廣地七千三百餘頃地西百里俱岡坂沙礫之區近城東南流沙漫衍土疎收薄少有災傷為患視他邑更倍累年山水泛溢除衝沒外可耕之田纔什之四復以旱蝗相繼民多流徙田益廢荒每年額辦稅糧非戶包賠則里井攤帶逃而去者遺下之日日增存而居者攤與之數日積歲復一歲累苦相仍小民已不堪命至四十二年秋雨淫潦水患大作而田之衝壓汨沒者抑又倍焉及今不為之所將來沙邑之患有不忍言者往歲曾蒙本府悉心計處起運糧價稍稍減輕愁苦之民若釋重負然額不可減而今歲之徵輸猶昔也本縣亦嘗極力調停委曲劑量要不過止於一邑而不能

合各豐饒之縣通融酌處雖苟爲目前之計終不可謂經久之規也近蒙本院軫念疲邑災苦委官丈量踏勘至亦訖無定處蓋九邑以賦稅有定額疆理有攸屬而慎重於變更慮始之難也請姑以年來增減不均之甚者言之查得嘉靖十一年以前本縣起運糧三千四百二十四石俱是從輕微派每斗折價五分五釐詢之父老其原發之由帖可稽也今漸增重添至八分有零矣嘉靖三十六年以前每年徵解龍岡內邱等驛站銀兩止是二千三十九兩按之往牒原派之額數可檢也今漸添七百有餘矣夫本縣土地在昔猶爲可耕徵派且輕近來衝沒幾半而徵派反重果當時任事者見之舛乎是蓋以地畝之頃數較而土壤之肥磽弗論也以里社之多寡較而戶籍之耗實弗論也曩嘗奉本府之委而勘南和之田矣曠野四望盡屬膏腴水澆稻田不下千頃每畝豐收至六七斛而沙河收入僅得其什之一即南和而任縣可知也亦嘗奉本院之委而審平鄉而廣宗鉅鹿諸縣可知也况本縣既無驛遞兼有迎送之費誠使以地力而較豐歉則本縣之賦稅宜輕而各縣宜重縱在彼不至加重而本縣嘉靖十一年以前之輕派顧不可復乎以衝僻而較費省則本縣之站銀當減而各邑當增縱在彼不至加重而本縣嘉靖三十六年以後之加添顧不可裁乎不然則是豐饒之縣得以倖免而貧歉之邑爲之代輸也僻處之民得以安枕優游而衝劇之民終於奔波勞苦也豈非顛倒不均之甚哉合無俯賜查處計議本縣之運糧價五分五釐嘉靖初年何因減輕例當減輕即令照舊如額數不敷將各豐饒僻省縣分坐到價輕存留糧草改派本縣仍將本縣起運糧草分派各縣通融兌補徵解各驛遞工料銀兩近歲以來何爲加添不宜加添仍行裁革如支應不足即將各縣原編本驛南馬驛頭總計多寡酌量增攤是雖今昔之增減少殊而邑里之輕重各當庶疲邑偏苦之民得因是而少甦矣緣議處衝毀地畝稅糧事理本縣未敢擅專理合具申伏乞照詳施行須至申者撫按批仰府會同廣平府李推官悉心計處繳經廣平府理刑李照縣議詳由順德府董覆核以沙河縣水衝沙壓共該

沙河縣志

卷十 文獻志下 宦績

夏秋正糧八百六十四石五斗零與南任平唐鉅廣等六縣糧內兌補起運至糧銀每斗仍減派五分五釐等因詳覆奉撫按二院允准在案

王進朝許州舉人隆慶二年知縣事樸實無華課士誠懇民苦歲築城堞乃設處甄

灰修建若干民免勞費永年以按遞推累沙河力請當道減去衝疲賴以稍蘇陞兵

馬司正指揮祀名宦

蕭泮湘陰舉人隆慶五年知縣事時歲饑勸民輸粟賑濟已又立義倉置義冢修唐

相宋文貞公祠擢御史去之日民遮道攀轅祀名宦

附泮建立義倉詳文爲申明義倉以廣積貯以備賑濟事竊惟

民之所天在食國之藏富先民本縣四望不毛三農失業民以地瘠而日貧地以水衝而愈窄充腹摘溪邊柳杪宿火爬道上沙根兼之七月初旬以來雨若建瓴勢如破竹墻垣傾圮稼穡飄零戶口蕭條生計寂寞職待罪疲邑目擊時艱胞與之念空切寸中足食之謀爲籌一策雖心懸送死曾經建有義阡而事急養生愈宜講求積貯因思人異富貧槩縣不無好禮之戶地分原隲通境亦有可收之區乃捐俸鳩材城隅蓋社倉數處銖存錙積詞訟罰贖粟百餘溥爲倡率用示勸歆非由威迫良民各願公輸相率爭先善念未容終泯據致仕官梁時鳳等首爲倡義餘悉從風該職酌量少者導送花紅多者旌給牌匾一時鼓舞百姓歡欣旬月之內民間登報并報在官贖積總計一千二百石有奇以今觀後尚未可量仍預爲查照各府縣規條僉報義正義副義書共司其事但支收之法未定報覈之罪未除念此時身司出納恐他時罹罪查盤人皆觀望莫肯承當雖民心至愚似爲過慮而將來流弊亦所必有合侯呈詳允日前穀取次入倉許令每歲春則借貸貧民量給一石二石而止秋則

還輸義廩加息一斗二斗有差置立循環凡遇夏冬二季赴府倒換以防浮冒但遇查盤免登錢糧項下弛其禁罰以示寬容使百姓曉然知民之出給歲之借貸官之稽考法之簡便莫非以義是故名爲義倉由是月積歲加前行後繼法端自近先從關市積儲由邇及遐次第沿村畢舉雖照煦爲仁未必餘三年之食而嗷嗷待哺庶幾霑一飽之私卑職愚見如此可否未敢擅便擬合申請爲此除申撫按衙門外今將前項緣由理合具申伏乞照詳施行須至申者撫按批據申足占實政義倉所以屢興屢廢者皆緣有司始欲沽名登入循環簿內後日遂致倉正等民一槩問罪是以民懼異日之累不樂爲之而漸廢弛耳該縣灼見議欲不入查盤最爲肯綮至於春放秋收隨歲荒以入利息與夫稽覈詳明無使侵盜收藏固密無使爛泄此俱賢有司留心也即如議行繳

韓士芮城貢生萬歷四年調知縣事兩任赤縣不改清操催賦鞭扑不施聽訟和息者聽以不善事上官被黜去士民擁送無慮千數皆泣下建生祠祭之俱同上

王屏漢中舉人萬歷十四年知縣事有惠政時大侵多方賑濟全活不可勝數歲旱禱雨龍潭徒步走百里外未幾以憂去服闋補興濟尋同知本府每行部至縣民羅

拜於前曰我父母也甚有牽裾泣下者子堯民甲辰成進士人以爲循吏之報云畿輔

通志兼採舊志

姬自修太康舉人萬歷十六年知縣事創修邑乘書雖不傳至今稱之舊志

沙河縣志

卷十 文獻志下 宦績

十七

史與祿龍陽舉人萬歷二十五年知縣事性仁厚政寬和祀名宦

附與祿送石少府之京時運馬價詩

黃金收汗血赤尉走風塵海內兵戈滿尊前感慨頻映袍春草碧拂綬陌花新突兀燕王館誰爲市駿人 又感稅詩野哭荒原暮哀哀是處村無年愁歲月有稅到鷄豚不獨憂三輔憑誰叩九閭 普天思戰鬪何計奠乾坤

杜旻濱州舉人萬歷三十八年知縣事爲政務持大體風采凜凜不事希謁邑當孔

道民無供億之苦雖婦孺皆知有杜母焉荐陞安州牧去後人思之爲建祠立碑祀

名宦俱同上

焦源溥字涵一三原人萬歷癸丑成進士甲寅知縣事會歲歉多方賑濟請蠲歲額

五百兩時親藩發粟賑饑詔下各邑自運他邑皆役大姓有車牛者源溥曰欲救民而先擾民吾不忍也遣吏以官錢僱運吏胥舞文即一錢必置之法至窮巷細民每溫言接之雖爾汝於前不罪也調濬縣去民皆流涕有從之至濬者累遷右僉都御

史巡撫大同罷歸與兄源清同殉流賊之難事具明史畿輔通志兼採舊志

陳蓋丹陵舉人萬歷四十四年知縣事政尚寬平不事鉤距而民不忍欺居三年間

閻充實待士尤有恩禮嘗修葺學宮並籌措諸生季考經費宋文貞公祠地為人侵力爲規復以邊才擢永平同知祀名宦舊志

張繪清江人萬歷中任沙河典史精明廉潔陞京倉大使

王家棟諸城舉人天啓五年知縣事時號神君

閔齊華烏程貢生崇禎二年知縣事推心保赤加意作人未逾年卒官士民哀之俱上

左佩弦字左漆耀州人萬歷乙卯領鄉薦崇禎四年知縣事邑有沙地七百餘頃不毛而稅民苦之佩弦請於上官得盡蠲免又雪生員李養重冤調知邢臺沙人士爲

立碑建祠祀名宦畿輔通志兼採舊志

崔鍾英洛川貢生崇禎十二年知縣事時兵荒交迫弭盜安民勦撫並用擢高唐知

州民感其惠祠祀之舊志

范志懋虞城舉人崇禎十二年任順德同知是年五月五日恆山鞏固營叛兵南下

沙河縣志

卷十 文獻志下 宦績

十八

抵沙河志懋率兵追勦奉府檄攝縣篆時亢旱志懋莅任雨立澍驛里馬政爲民害

設法調劑民困始蘇縣當孔道連遭兵禍弔死問孤情意肫摯暇時詣梵愛寺宣講

聖諭鄉約聽者感悅後調理宣鎮屯牧卒官無子妾媵殉焉俱藁葬廣昌續志兼採畿輔通志

清

傅應星登封貢生順治二年知縣事剔弊釐奸勸農興學陞正定同知邑人思之舊志

艾馥濟陽貢生順治五年知縣事愛民好士賦減刑清調潮陽邑人爲立生祠同上

李興元漢軍貢生順治七年知縣事修至聖殿釐雜費免虛糧陞祁州牧祀名宦畿輔通志

通志 邑令李侯德政碑大抵爲治之道以安上全下爲務而議安全在謀生聚謀生聚在去疾苦互古以來未之能易也沙之爲河也溯流無源非可灌溉則一眺汪洋旱則沙礫滿目堪田者十之三不毛者十之七即年書屢豐俗猶稱瘠矧泛濫迭乘畝壞者千餘頃上猶按原編以責賦追呼所迫鬻妻易子正供不充遂爲借支借支不已更爲預徵弊孔滋出民何以堪顧當事者卒以實徵難破爲辭夫實徵誠難破也第剝肉醫瘡一旦掉背徵將誰應乎幸我李侯筮仕茲土搜各曹滯牒於戶得前任劉侯士璋報水冲地册並艾侯馥復申辭集父老詢之父老畫河流狀言泛濫災民累賦稅或逋或亡勢且盡流涕以請公遂毅然引爲己任備造詳册以申兩院院以事關民生委道囑府履畝踏驗查確水冲地一千一百三十二頃一十四畝爲之疏以入告天子咨部覈司農乃分有主水冲地九十五頃六畝七分三

釐無主水沖地一千三十七頃七畝二分七釐奏復於是主水沖地蠲順治六年以前未完錢糧七年仍照例起徵無主水沖地錢糧盡行蠲除開去戶部夏稅秋糧馬草銀二千七百九十六兩一錢九分七釐禮部牲口銀四十八兩六錢七分七釐兵部柴直銀一百五兩二錢四分一釐工部四司銀二百一十八兩六錢七釐馬政馬價銀一千二百五十九兩七錢六分七釐共開除銀四千四百二十八兩四錢八分四釐五毫永久遵行詔下之日百姓呼祝載道相謂疾苦去而生聚可期生聚保而安全以致於以免追呼絕弊孔坐享太平無窮皆出吾侯之賜矣且侯前此業嘗修學校建關廟清現年驛里諸大費豐功偉績穎弗勝書大德在人不可磨滅爰乃銘之於石使億萬世頌公德於不

馮源高密進士順治十四年知縣事下車未幾弊革風清除行人司行人舊志

談九乾海清進士康熙二十五年知縣事修學宮續邑乘創襄南書院植驛路樹株

行取去祀名宦畿輔通志兼採舊志

趙銘金堂舉人雍正四年知縣事多所創建如先農壇忠義節孝等祠以及倉廩義冢之屬皆其在任時所修葺又營九家北俎諸村稻田豁冀莊王莊一帶空糧善政不可勝紀嘗從事邑乘雖未成書迨乾隆間重修多採用其遺稿尤爲有功文獻云

舊志

沙河縣志

卷十 文獻志下 宦績

十九

尹侃嘉魚進士乾隆八年知縣事城南瀕河十里皆沙磧雍正中水漲泥積侃令民蒔柳以興水利里胥蠹民者悉予更易調肅寧陞保定知府同上

孫鳳立信陽州進士乾隆十二年知縣事重修大成殿梅花亭暨縣城葺衙署前後兩堂建義倉八所役繁而民不病憂去邑人立碑誌思畿輔通志兼採舊志

杜灝字拙初金匱人受業鄉先輩顧震滄先生棟高之門能文工書乾隆九年舉於鄉十九年宰沙河修學宮葺公廨捐倉穀革社書免新城市集課銀善政甚多縣志歷久失修灝公餘手自編輯咨詢下及芻蕘足迹幾周全境邑人士至今稱之續志

王嶠舊志作鄆字義山正定人出身行伍乾隆二十二年任本汛千總整飭兵防寬嚴並

用所屬皆畏而懷之壬午夏縣令杜灝捕蝗嶠贊助之力居多調任順德營中軍部屬勒碑頌德後入籍沙河長子瑛生廩生次子瑞生從征川楚教匪積勞補內邱金提店協防額外把總

李藝榆次進士爲諸生時往來邢洺間素悉沙河風土人情乾隆二十九年知縣事

嘗輕騎行阡陌間視農之勤惰而勸懲之公餘親講鄉約待士尤有恩禮衙署所需皆自市不以累民遷常州同知

趙蘇門海陽進士乾隆三十八年知縣事性剛斷史胥讐服部使者過境皆斂迹治

沙河十年勸農興學百廢俱舉士民愛戴懸匾公堂曰我父母也

吳學易續志作義正定回籍乾隆四十八年任本汛千總體貌碩碩治軍嚴明嘉慶紀元

川楚教匪起學易率本汛兵丁李連等隨征奮勇殺賊歿於陣事聞奉旨祀昭忠祠

蔡本謙漳浦舉人大學士新從子也乾隆六十年知縣事以培植文風爲己任扃門

課士親定甲乙公餘即宣講聖諭人多感化俱同上

張孔源浙江山陰人出身吏員嘉慶五年知縣事莅任首裁冗役高村辛寨杜村水

冲沙壓地久爲民累孔源力請於上官卒蒙蠲除士民勒石頌之續志通

石鈞博野拔貢乾隆五十六年任本縣訓導教士誠篤終始不怠諸生多克自樹立

者嘉慶中縣令張孔源保薦卓異陞山西祁縣知縣續志

沙河縣志

卷十 文獻志下 宦績

二十

孫景宣化舉人嘉慶九年任本縣訓導性廉靜寡應酬諸生晉謁講論經史無倦色卒官宦囊蕭然賴同寅欵助得返葬

閻庭芝平遙武舉世爲山右望族嘉慶十四年授本汛千總約束所部紀律嚴明課

最推陞守備攝順德游擊陞黔彭營都司俱同上

傅鍾瑒號昕堂登封進士嘉慶十五年知縣事革冗費減差徭創建溫州書院延名

師課士其中束修膏獎及試卷飲食之費皆捐廉給之丁艱歸尋陞冀州牧正定同

知續志通

張士凱正定人由行伍積功道光三年擢本汛千總勤於訓練兵丁多列武庠者在

沙屢獲劇賊四境安堵陞河南信陽州守備續志

魯傑字卓泉江夏人道光辛巳舉人二十一年宰沙河嘗與馬教諭俊元韓訓導對

揚同續邑乘不開局不募捐劖劘之費皆身任之文筆雖不及前人而八十餘年之

事實賴以存在亦可謂有功文獻矣採訪冊

玉衡 正紅旗人道光庚子進士咸豐二年宰沙河興學校課農桑土民化之三年粵匪竄臨洛衡登陴防禦誓與城存亡城陷衡公服坐堂上罵賊死之合門同時遇害時八月二十八日也邑人祀於盧忠烈公祠春秋致祭焉畿輔通志

李福田字心農長山進士同治十一年宰沙河光緒初復回任兩握縣篆多善政其

最著者為重建書院事先是邑舊有書院因陋就簡興廢無常福田募制錢萬餘緡

擇地建築今改作縣立第一完全小學校易名溫泉書院以餘貲貸富民歲取息供膏獎費陋邑文

風漸有起色至今士林豔稱之採訪冊

郭鍾秀字芝山趙城人光緒二十六年由舉人大挑攝縣事時拳匪肇亂兩宮西狩大局岌岌鍾秀應付有方縣境安堵尤善折獄坐堂皇剖決如流人不能欺

李綺青字漢珍惠州進士光緒三十一年宰沙河時科舉甫停學制草創綺青竭力興辦百凡就緒遴派士紳游學東瀛風氣不變邑舊鈔藏書佔畢之士八股試帖外茫無所知綺青籌重貲購置各種典籍儲之校中士林沾句裨益宏多尤前此所未

沙河縣志

卷十 文獻志下 宦績 藝文 金石 二十一

有也俱同上

藝文

藝文只載書目不載詩文昉自班書方志所當取法第沙河自置縣以來更千三百餘年名於史傳者僅五六人率皆列名仕士籍未遑握槩而歷代儒林文苑沙人士曾無與於其列者其固陋可想見已以著述論非特詁經評史之作闕焉無聞即詩文各集下至稗官野乘稍近雅馴者亦罕覩焉文運晦盲匪伊朝夕矣舊志所載詩文其有關事實者已分注各條下而藝文一門沙邑既無作者應從闕如之例嗚呼古今人雖不相及苟能自強有為者亦若是後有賢哲尚其為前人一洒之哉吾禱祀以求之矣

金石

漢

漳河神壇碑

衡漳故瀆逕銅馬祠東漢光武廟側有碑述河內修武縣張導字景明以建和三年爲鉅鹿太守漳津汎濫土不稼穡導披按地圖與丞彭參掾馬道嵩等原其逆順揆其表裏修防排通以正水路功績有成民用嘉賴題云漳河神壇碑而俗老耆儒猶謁斯廟爲銅馬劉神寺是碑頃因震裂餘半不可復識矣

水經注

湯山在縣西北七十一里下經銅馬廟有碑題曰漳河神壇

太平寰宇記

唐

漆泉寺碑

廣陽山漆泉寺貞觀五年敕建檢校兵部郎中兼邢沙刺史侍御史元誼撰碑前

涼王府參軍兼翰林院侍讀學士王少康正書

採訪冊

新息令 墓誌

右新息令某君墓誌今在沙河縣無撰書人姓名題目及首二行並磨泐故失其姓氏名字其文敘述先代有云飛鉗辨士威六國而騰英握節忠臣

沙河縣志

卷十 文獻志下 金石

二十二

疑其姓蘇也君以文明元年四月廿五日終夫人張氏以文明元年五月廿四日終即以光宅元年歲次甲申十一月二日合窆於嘉泰鄉之平原考之史是年正月中宗改元嗣聖二月被廢立睿宗改元文明九月改元光宅則新息君實未踰年而葬故云即也唐書地理志新息縣武德四年置息州貞觀元年州廢以縣屬蔡州史無隸鄭州之文此誌云弘道元年加君鄭州新息縣令疑當時必有改隸之事而史失載爾其云地極膏腴者膏腴之誤也書極爲極後魏石刻往往有

之 潛研堂金石文跋尾

贈邢州刺史宋玄撫神道碑

宋公父玄撫衛州司戶贈戶部尚書實浮於名而位不充量事見許公蘇頌所撰

神道碑 顏真卿宋文貞公碑文

宋公之墓之東有碑乃公之祖贈邢州刺史爲居民斧而剝之

宋范致君臨平原書宋公碑後記

正書無年月直隸沙河

寰宇訪碑錄

正書篆額年月泐全石分域編

謹按畿輔通志云舊唐書載宋璟父玄撫贈邢州刺史與魯公碑文中所敘之官不同寰宇訪碑錄等書皆作贈邢州刺史宋玄撫碑范致君以此碑為璟之祖既與舊書所載不同而璟祖務本官櫟陽令新書宰相表及魯公碑文皆合亦未有贈刺史之說范記誤也

太尉尚書右丞相宋璟神道碑

宋公神道碑獨完好碑去官道二里餘世罕知者以故久不顯於世致君因謁墓下始得之邢為襄國舊都邱塚纍然類皆湮滅於無聞獨公之墓高不踰丈豐碑尚存豈特忠義足以垂名於不朽世亦以顏魯公之賢而此碑尤為可貴也自衡之後子孫無顯宦於唐今有隸編戶者猶收公官誥置田墓側俾耕以守誥為前政取去莫知所在宋范致君臨平原書宋公碑後記

右唐宋璟碑顏真卿撰并書唐書廣平六子曰昇尚渾恕華衡今此碑言公有七

沙河縣志

卷十 文獻志下 金石

二十三

子曰復昇尚渾恕延華衡乃八子也魯公所撰廣平碑側記亦曰公之第八子衡謫官沙州蓋廣平實有八子唐書闕復延二人而此碑魯公誤書八字為七爾又碑云廣平自吏部侍郎兼攝尚書左丞而史不載後自楚州刺史歷魏冀兗三州兼河北按察使遷幽州都督復為魏州而史但言歷兗冀魏三州刺史河北按察使進幽州都督而已史又載廣平為廣州都督時按立頌在廣平為吏部尚書侍中時故疏云廣人以臣當國云云此當去時字郡人為璟立遺愛頌璟上疏辭讓有詔許停而碑乃云燕公張說嘗為碑頌今燕公集中實有此文豈已為文而未嘗刻石歟金石錄

余始有碑側記又後一歲乃得碑文頗剝蝕其行筆與記全異碑辭內稱公雅善戲謔不常矜莊凡所詼諧人輒疏取昔人見公賦梅花以鐵心石腸為怪故不足怪也非所望于蕭傳亦是一證太史公讀張文成事而疑其偉然丈夫乃如好女

子世固有不可曉者弇州山人稿

余初至沙河聞有唐相宋文貞公墓墓有顏魯公書碑而未及謁先取其碑文觀

之中有缺文字畫豐肉疑非顏書乃約寮友以九日往謁因求其故前六日豪自郡返至食膳鋪墓在鋪西二里取道獨先往焉其碑果宋人范致君書碑側有述而不及搨故凡得是碑者概以顏書不復辨也徘徊瞻眺則草棘之叢見一斷碑乃魯公所書神道碑銘碑未斷時高可丈許廣可四尺許厚可尺許記中所謂曳以百牛者殆實錄也欲謀續之而以上修下短爲難姑出其附以歸至九日乃與縣丞李尙質典史高雄教諭楊傳訓導敖廷傑文明往踐宿約兼集羣謀謀者曰須於碑側斷口穴其上下續之以鐵豪曰是碑四面皆書側而穴之其文滅矣盍穴其中治者李宣曰須鐵二百斤石者郭謙曰須四木秤木須三丈許後二日復至墓下親爲營董乃先立下截出上截於土中先起上斷口與下斷口對置鐵笋明日帥四百人百人各守一秤擊金號召衆咸勸踴如蟻負粒有頃而起上下相續分毫不爽工訖諸生載酒相慶酌而酬之分餉羣力各有喜色豪觀記中有曰雕鐫旣畢樹立斯崇遠近嗟稱今古榮觀今斷而復續事半功倍嗟稱榮觀當不

沙河縣志

卷十 文獻志下 金石

二十四

殊初思魯公之書今之所貴者多寶塔爾以此較之有四勝焉彼演釋因此昭儒躅一也彼代岑書此爲自撰二也彼尙爲早年之書此已爲晚年之書三也彼在名郡搨之者衆屢經翻刻已失其眞此乃陋邦未經屢搨點畫如初四也識者謂

豪非妄誕云

明方豪續宋文貞公神道碑記

右唐宋文貞公碑並碑側記皆顏魯公撰并書文貞墓在直隸之沙河縣碑久埋沒土中余友方思道作縣出之以搨本見示金石錄謂碑與新史不同者二事又謂碑側記載文貞逸事甚詳而新舊史皆無之予家藏魯公文集中有此碑因得比較以補石本之缺但其文時有小異如集本云建一言而天下倚平碑一言作一陽集本云曾祖弘俊碑作弘峻集本云嘗夢大鳥噉書吐公口中公吞之碑作大鳥噉書吐公口中而咽之集本云欲優游自免碑自免作鄉里集本云左右震竦碑左右作天后集本云敕使馳救之碑救作赦集本云與執法通同碑作與執政通問集本云玄宗將幸西蜀碑作中宗將幸西京集本云公盛氣詰之碑氣作

色集本云東宮有大功宗廟社稷主也安得異議碑作春宮有大功主安得異議集本云駕幸洛陽碑作駕達東都集本云馳道險隘行不得前碑作馳道隘稽車騎不得前集本云以臣免之碑臣下有言字集本云母寵子愛碑作母寵子異集本云敕公按覆碑無敕字集本云置之座石碑之作諸集本云仲冬十九日碑作十有九日集本云喪葬官供碑喪葬作哭葬集本云戊寅歲五月碑無歲字集本云叨太僕之下烈碑烈作列集本云承形言色碑言作顏集本云既遷鄴城碑遷作還集本云汗洽流漿碑流作如其不同者又如此此則趙之所未及也金薤琳瑯右碑在今沙河縣之東應作西北康陵丁丑之年大水方思道爲沙河令碑已斷沒出之土中鎔二百斤鐵貫而續之今方公所爲修復封樹皆無存矣惟此碑屹立于風霜烈日之中恐亦不能久也歐陽文忠公謂魯公眞蹟今世在者得其零落之餘尤足以爲寶今此碑剝蝕猶少况以廣平之重使歐公得之其爲珍寶當倍他書矣震川集

沙河縣志

卷十 文獻志下 金石

二十五

宋文貞碑書法方整中帶有虛和視他書稍異尤爲可寶予以崇禎己卯于役河南親至碑下見石雖漸泐然規畫尚可撫摩因搨一紙置輿中共辰夕者經年近霍少司馬達搨贈此本大不如二十年前者矣庚子銷夏記

顏眞卿撰并書正書大歷七年九月今在沙河縣西八里墓上金石文字記

唐右相文貞公宋廣平南和縣人葬於沙河縣之北鄉其神道碑文乃顏魯公撰并書文則景星慶雲字則龍翔鳳翥蓋文貞公爲有唐一代奇絕人物而魯公氣節皎皎與日月爭光精神相耀故不肯輕著一筆眞世之鴻寶也余素聞之而未覩丁酉夏日邢州司李蕭公寄我五紙光燁燁生齋壁間如見二公而與之揖讓聆其警咳者世所傳魯公帖如坐位麻姑仙壇記及祭臬卿文固卓絕千古矣如多寶塔及家廟碑雖亦人口所膾炙然筆法癡肥似經後人修飾傷其神氣以文貞公碑較觀則此爲眞叔敖而彼似優孟之衣冠也唐碑至今存者頗少此碑完

全未經剝蝕靈光巋峙其神物乎清魏裔介跋

順治丙申來理邢州明年春過沙河得公所書宋文貞公碑銘按唐興元元年公年七十有七死於李希烈之難是碑立於大歷之七年時年六十有二碑側記書於大歷之十三年時已七十有一此句疑有誤公晚年書益壯文益醇誠屹屹乎鼎彝之貌而煌煌乎鐘呂之音也凡觀是碑者皆當肅然而起想見公之英烈則謂公至今存可也

清蕭震顏
碑彙刻序

按新史宰相世系表宋公八子與顏碑同舊史僅載其六而無復與延碑文八子俱載而但稱公有七子非緣筆誤當由復先公而卒故碑側亦稱第三子渾不稱四也而復稱第八子衡者公實有八子存者乃七數之則八核之而七也宋公有名無字新舊史皆同顏碑亦復闕如宋公爲唐室名臣其孫屬魯公爲之碑且碑之成去宋公之薨不過三十五年而其祖之字已不能舉如此不可解矣按碑與史不同處碑稱父玄撫贈戶部尚書舊史作贈邢州刺史碑云俄拜朝散大夫新舊史俱無之碑云中宗將幸西京深虞北鄙乃兼檢校并州大都督府長史新史

沙河縣志

卷十 文獻志下 金石

二十六

但云詔璟權檢校并州長史不稱璟幸西京碑云四年遷吏部兼黃門監五年復兼侍中舊史則云官名改易爲侍中碑云十三年駕幸東都新舊史俱作十二年又新史云東巡泰山不云駕幸東都更與舊史及碑文異碑云二十一年抗疏告老新舊史俱作二十年碑云其年駕幸洛陽舊史作二十二年駕幸東都凡此皆足以證史書之誤廣平勳業著日月威名冠宇宙顏碑名竝典籍書儷篆籀較然在人耳目之前而互有異同如此碑云開元十三年駕幸東都以公爲西京留守新舊史本傳皆在十二年明年巡泰山駕發東都蓋帝以十二年十一月幸東都十三年十月將封泰山遂發自東都耳碑蓋欲約而言之故但云駕幸東都也綱目載爲西京留守於開元四年十二月按是年帝未嘗幸東都無用留守或以明年將幸東都故先以公爲留守乎又公引年致政碑在二十一年新舊史本傳皆在二十年而舊史玄宗紀仍在二十一年前後自相違反宋公始終右丞相綱目誤書左丞相新舊史及本傳公之拜右丞相在開元十七年綱目不書俱是疏忽

竹雲
題跋

以碑證傳互有脫漏如史云張易之誣魏元忠引證張說公語說以名義時人呼易之爲五郎而稱之曰卿韋月將告武三思亂宮掖不奉詔以救之王仁皎卒諫止用竇孝諶故事皆公志節所繫而碑遺之

金石
後錄

蕭塾菴至邢訪文貞公後二十四代孫道亨攜族譜來公子七六無譜惟六子華譜甚詳華子儼蘇州刺史儼二子長嗣先左補闕次子嗣宗奉化令家焉明景泰初兵部侍郎諱琰者公十七代孫也過邢有望墓詩其家南和者十七代而絕弘治間南和令朱銳於奉化取公十九代孫伍來以守祠自伍至亨凡六世今家沙河者百餘人業農南和者僅道亨一人奉化者久不相往來

來齋金石
刻考略

趙明誠著金石錄跋此碑以碑言公有七子復昇尙渾恕延華衡乃八子也魯公所撰碑側記亦云公之第八子衡謫宦沙州蓋廣平實有八子唐書闕復延二人而此碑魯公誤書八子字爲七爾余按新舊唐書璟本傳皆闕復延惟宰相世系

沙河縣志

卷十 文獻志下 金石

二十七

表列璟八子獨全趙氏蓋未嘗檢及又魯公記碑側已言第八子而于璟碑書七子此必非誤自魯公亦爲傳刻者過也趙氏又以碑云自吏部侍郎兼攝尙書左丞而史不載後自楚州刺史歷魏兗冀三州兼河北按察使遷幽州都督後爲魏州而史但言歷兗冀魏三州刺史河北按察使進幽州都督而已是兼攝尙書左丞與後爲魏州誠如趙氏所指二史皆未之及然余又以碑按璟之歷官方其始也調上黨尉以後轉王屋主簿又轉合宮尉又授錄事參軍凡三遷官然後拜監察御史裏行自此又遷殿中侍御史又遷天官員外郎然後爲鳳閣舍人新書但于自上黨尉而下即書爲監察御史遷鳳閣舍人而舊書以累轉鳳閣舍人包之其失皆畧也新書四年遷吏部兼侍中證之此碑所載四年遷吏部兼黃門監五年復監侍中八年拜開府儀同三司此新書省文誤也舊書四年遷吏部尙書兼黃門監明年官名改易爲侍中與碑次敘符合而新書遂于兼侍中亦附之四年之下則中間方隔一年其官仍名黃門監而牽連書之至此是尤疏也舊書弱冠

舉進士據碑言十六下即稱明年進士高第則璟年十七成進士猶未及弱冠也
新書刪弱冠二字較舊史爲不苟矣又碑言十三年駕幸東都新舊書本傳及玄
宗紀皆作十二年或碑亦摹勒有失真耶然新書本傳遽改易其文作東巡泰山
則爲非是按紀十三年乃有封泰山之文其于幸東都蓋已兩書之而景文又誤
以二事合爲一此大不可也新舊書竝以璟二十年請老碑作二十一年公抗疏
告老碑從當時盧僎所上行狀宜可據璟之子復先璟卒昇尚書郎太僕少卿宰
相世系表作太僕少卿渾職方郎中諫議大夫御史中丞東京畿採訪使太子左
諭德表作太子右諭德華判入高等登封尉尉氏令表作尉尉氏令衡右散騎常侍
兼御史中丞河西節度行軍司馬表作河西行軍司檢校左散騎常侍其中詳畧
亦可參證然史載廣平諸子皆荒飲俳優而碑云或肅或文或哲或又克篤前烈
以休令聞嗚呼諛墓之詞雖魯公亦不免若是與新舊書言渾恕尚坐貶皆書地
而華衡得罪獨從畧焉今碑言衡謫居沙州是亦史所未及可備錄也

授堂金石跋

沙河縣志

卷十 文獻志下 金石

二十八

此碑兩面一側皆神道碑銘其一側記宋公軼事謂之碑側記魯公文集有碑銘
而無側記金薤琳瑯有側記而無碑銘今取兩書互勘碑闕字得以補足碑云云
其先出于殷王元子史記宋世家微子開者殷帝乙之首子而紂之庶兄也武王
伐紂克殷釋微子復其位封紂子武庚續殷武庚作亂成王誅之乃命微子開奉

其先祀國於宋梁玉繩人表考云微子

始見商周書

紂庶兄

始見宋世家

微國名子爵

見尚書孔

傳 又作魏子

見路史後紀注云魏即微玉繩按魯世家伯禽之孫爲魏公徐廣引世本作微公本書律歷志全小司馬謂古書多用魏字作微而殷紀

微子索隱亦云家語微或作魏讀從微音此路史所本也蓋二字古通

名啟

書微子之命序又見左傳僖六年哀九年

又作開

見史記周紀世家又

見荀子議兵又見呂氏春秋誠廉漢人避景帝諱改

國于宋爲上公

見微子之命

亦曰殷公

見周書王會解

要之微子之

封宋在成王時也唐書宰相世系表乃謂殷王帝乙長子啓周武王封之于宋誤
矣碑云七世祖弁魏吏部尚書襲列人子祖欽道北齊黃門侍郎据世系表宋公
在楚有上將軍義義生昌居西河介休十二世孫異異三子恭畿洽徙廣平利人
畿生榮國榮國下闕子一代孫即弁後魏吏部尚書襲利人子弁子紀紀子欽道

欽道子元節元節子宏俊宏俊子務本務本子玄撫即璟父也是欽道爲璟之五代祖今碑云祖似脫五代二字矣碑所敘高曾以下官位與表同惟表云廣平利人襲利人子碑及魏書弁傳皆作列人爲不同据魏書地形志列人縣屬魏郡表作利人誤也徙居列人者爲璟之十世祖今璟稱邢州南和人不知何代遷南和也魏書宋弁傳弁祖愔世系表作榮國歷位中書博士員外散騎常侍賜爵列人子弁伯父世顯無子養弁爲後弁父叔珍因李敷事死是弁父叔珍嗣父世顯可以補唐表一代之闕也弁傳又稱弁長子維弟紀字仲烈遷尚書終北道行臺卒於晉陽是爲璟之六代祖紀子欽道武定末冀州別駕又北齊書宋欽道傳云初爲大將軍主簿典書記後爲黃門侍郎遷祕書監贈吏部尚書趙州刺史碑與表但云黃門侍郎璟父玄撫碑云衛州司戶表贈參軍贈戶部尚書舊書傳云贈邢州刺史皆彼此互異也碑敘璟歷官與兩傳同者十之八九惟封廣平郡公兩傳在開元五年官侍中之後碑在八年拜開府儀同三司之時爲異碑稱璟轉廣州都督教廣人度材陶旒

沙河縣志

卷十 文獻志下 金石

二十九

以弭火災于今賴焉燕國公張說嘗爲碑頌是撰頌立碑者張說也舊傳不載張說撰碑但云人皆懷惠立頌以紀其政是仍立碑也新傳則云廣人爲璟立遺愛頌璟上言頌所以傳德載功也臣之治不足以紀廣人以臣當國故爲溢辭徒成諂諛者欲釐正之請自臣始有詔許停是未嘗立碑也一事而三者不同如此又兩傳載皇后父王仁皎卒葬高五丈一尺璟言極剴切帝謂人所難言公等能之賜綵絹四百匹又兩傳載十七年爲尚書右丞相與張說源乾曜同日拜璟拜右丞相與張說源乾曜同日拜惟兩傳作十七年與碑同而碑不云三人同日拜舊書本紀書璟拜右丞相乾曜拜太子少傅同爲十七年八月乙酉事而張說之拜右丞相在十七年二月丁卯非三人同日新書本紀則皆不載宰相表亦無惟於開元四年閏十二月書宋璟爲吏部尚書兼黃門監紫微侍郎通鑑亦與新紀同 詔

太官設饌太常奏樂會百官尚書堂帝賦三傑詩自寫以賜璟亦有詩應制句云太常陳禮樂中掖降簪裾聖酒山河潤仙文象緯舒此爲璟風節所繫及玄宗從諫得賢盛事光照史冊皆不可略者而碑皆不書碑載璟告老後駕幸洛陽公迎拜道左玄宗使榮王琬勞問此是開元二十三年正月事据本紀 璟有蒲津迎駕詩

知其迎拜之地爲蒲津也詩云回鑾下蒲坂飛旆指秦京雒上黃雲送關中紫氣迎是自東都回鑾時也榮王琬者玄宗第六子始王郵徙王榮後諡靖恭太子也璟八子新傳僅列六子之名舊傳則極詆其飲謔俳優廣平風教無存且言衡最麤險據碑側記則言衡陷吐蕃吐蕃素聞名德稱之爲賢相之子以駝馬盡室護歸使其果麤險何能感動若此史家言或失之太過往往如此碑側記云上欲別加超獎且命待制于側門側門之地無考新唐書代宗紀大歷十二年四月詔諫官獻封事勿限時側門論事者隨狀面奏則側門殆是論狀進奏之所會善寺牒載大歷二年沙門乘如詣右銀臺門奉表陳謝此所謂側門或即右銀臺門之類也記爲璟之孫儼所請者儼爲璟第七子華之子官蘇州刺史見世系表上行狀之盧僎新唐書附趙冬曦傳稱其開元間爲集賢學士惟唐音統籤稱僎爲從愿從父自聞喜尉入爲學士終吏部員外郎是碑所載乃其終官也購石立碑之封演唐書無傳宰相世系表亦不列其名其所撰聞見記卷首結銜題朝散大夫檢

沙河縣志

卷十 文獻志下 金石

三十

校尙書吏部郎中兼御史中丞是其所終之官計其時當在德宗貞元間

聞見記中有尊

號一條記貞元間事

卷中石經條稱天寶中爲大學士

登第時張繹有千佛名經之戲見貢舉條

佛圖澄碑條記

大歷中行縣至內邱則是官邢州刺史時事此碑結銜稱屯田郎中權知邢州刺

史即其時也

金石萃編

正書大歷七年九月追建顏真卿撰并書

京畿金石考

碑載璟轉廣州都督充按察經略討擊使燕國公張說嘗爲碑頌見說集中題作

嶺南五府經略使與舊唐書宋璟傳同

平津讀碑記

碑側記

碑側記記缺八字所謂側門者本傳稱岸巾出側門是也

宋范致君臨平原書宋公碑後

右唐宋廣平碑側記顏魯公撰載廣平仕御史時持服於沙河屬突厥寇趙定州河朔凶懼邢州刺史黃文軌投艱於公公以父母之邦金革無避及賊至城下公爲曉陳禍福其徒有素聞公威名者相率而去之開元末安西都護趙含章冒於

貨賄多以金帛賂朝廷之士凡九品以上悉皆有名後節度范陽事覺有司以聞
玄宗將加黜責公一無所受乃進諫焉玄宗納之遂御花萼樓一切釋放舉朝皆
謝公衣冠儼然獨立不拜翌日玄宗謂公曰古人以清白遺子孫今卿一人而已
公曰含章之賄偶不及臣非不受也玄宗深嘉之又曰公第八子衡因謫居沙州
參佐戎幕吐番入寇陷於賊庭素聞太尉名德曰唐天子我之舅衡之父舅賢相
也其可留乎大歷十一年以三百騎盡室護歸此皆廣平逸事有以見其清德冠
當世威名動夷狄如此而新舊史皆不載故併錄之於此俾覽者得詳焉金石錄
范致君跋謂碑側記缺八字今讀其文完好無缺惟前碑缺九字考之搨本良然
但細玩此碑字畫似已磨滅重經開刻者故碑文與此書所載時有小異至前碑
所云無敢不饒原本作無敢不畏俱公而歿作躡公而歿又內史令敕公出失敕
公二字皆南濠繕錄之誤並據碑訂正焉金薤琳瑯注
宋文貞神道碑側記顏魯公篆書石刻沙河二公剛勁大節相埒書亦稱是真足

沙河縣志

卷十 文獻志下 金石

三十一

三絕奔州山人稿

碑側記書於大歷之十三年時公已七十有一清蕭震顏碑彙刻序

碑側記別載逸事二條又云昭義軍節度觀察使尚書左僕射兼御史大夫平陽
郡王薛公嵩慕公德業乃命屯田郎中權邢州刺史封演購石俾工刻之舊唐書
薛嵩傳不稱御史大夫平陽郡王者略之也封演天寶末進士所著有聞見記古

今年號潛研堂金石文跋尾

碑側記所載三事皆於公大有關係而新舊史竝闕之所未解也竹雲題跋

顏真卿撰并正書大歷十二年直隸沙河寰宇訪碑錄

碑側亦魯公撰書記璟遺事並立碑始末稱開元末安西都護趙含章冒於貨賄
多以金帛賂朝廷之士其後節度范陽元和姓纂范陽節度使趙含章醴泉人平津

碑記讀記

謹按畿輔通志云此記逸事三則前二則乃真卿刺湖州之日所撰後一則大

歷十三年三月補記即十二年公第八子衡歸朝始末訪碑錄以記中有十二年十一月字遂以爲十二年所刻非也

宋

贈都官郎中張 墓碑

謹按畿輔通志云文見李覲吁江集云駕部張員外守旺之一年狀其先君郎中之善屬於覲願爲文以表墓覲小草民其可以辭郎中諱某邢州沙河人其生五十有六年祥符癸丑夏四月卒即葬於所居西偏旣而贈大理評事殿中丞屯田職方員外郎都官郎中員外名某景德中及第云云此碑無立石年月其年譜亦不載作文之時考覲於皇祐二年因范仲淹薦授時仕郎試右學助教而文中自稱小草民疑在皇祐前作矣張父子集中皆無名不可考

封巒寺碑

邢州大安山封巒寺碑石介撰釋紹珍正書康定二年立

京畿金石考

沙河縣志

卷十 文獻志下 金石

三十二

臨平原書宋公神道碑

宋公神道碑獨完好碑去官道二里餘世罕知者致君因謁墓下始得之且歎舊史不載新書闕遺乃效顏公體大書字畫別刻於石庶久其傳

范致君臨平原書宋公碑後記

唐相宋文貞公墓有顏魯公書碑其碑文中有缺文字畫豐肉疑非顏書因往謁求其故其碑果宋人范致君書碑側有述而不及搨故凡得是碑者概以顏書不

復辨也

明方豪續宋文貞公碑記

沙河又有碑書魯公姓氏循其旁有記爲宋范致君做公書者

清蕭震顏碑彙刻序

臨平原書宋公神道碑後記

謹按畿輔通志云此即臨刻前碑之記也記已分錄在宋璟原碑及前碑條下茲不贅書其記尾云大宋崇寧二年七月一日編修國朝會要所檢閱文字范致君記

大觀聖作碑

在學宮內額篆大觀聖作之碑六字文正書磨泐殆盡僅首行數十字可辨末行尚書 僕射兼題 侍郎上柱國魏國公食邑一萬一千二百戶食實封叁仟捌百戶臣蔡京奉敕題額據金石分域編大觀聖作碑徽宗御製并正書有額大觀二年九月在順德府學畿輔通志謂此碑與八行條制碑他處皆刻一石前列御製文後列八行條制本一事此碑未知與前二說合否俟考

裴僑等題名

宋玄撫神道碑側附宋裴僑等題名正書宣和甲辰八月金石分域編

謹按畿輔通志云甲辰乃宋徽宗宣和六年

重修冶神廟記

順德在河朔其地多隆岡秀阜坑冶之利自昔有之纂村者即其所也皇祐五年始置官吏治之旁舊有神祠歷載既久將就傾圯治吏監侯張即故址而新之縣志

謹按畿輔通志云元豐九域志邢州沙河有纂村一鎮鐵冶一務與此記合

沙河縣志

卷十 文獻志下 金石

三十三

元

宣聖廟前廊記

董朴撰并書大德庚子沙河畿輔碑目

謹按畿輔通志云庚子乃元成宗大德四年

大德庚子秋八月朔鄉貢進士左政任讓寇禎張景陳 趙連玉等立石採訪冊

太師張文謙墓碑

元太師張忠宣文謙墓碑在葛村李謙撰縣志

提舉孔天鐸墓碑

余因治水北俎村見地中翁仲巋然乃下馬訪之又見一碑覆地翻而讀之爲元孔氏塋地由天鐸提舉邢洺諸州始家沙河子福南和尹子章蒲圻尹子塔識不花蒙古教授四世仕宦亦沙望族況又聖人之裔乎至國朝其後有以吏爲戎者族人別之裔孫整又不肖是碑亦已鬻去鬻者恐爲人所發暮夜載還余乃親爲

鑿溝立界塋前有礫埋地起以爲跗立碑其上即塋題於碑陰使村氓知所警焉

明方豪重立
孔天鐸碑記

縣尹顏仲德去思碑

楊樸撰縣志

主簿李滋榮去思碑

賈匡撰縣志

明

知縣方豪去思碑

楊傳撰縣志

知縣劉碧去思碑

撰書人無考同上

沙河縣修學記

沙河縣志

卷十 文獻志下 金石

三十四

在學宮內崔銑撰邑人朱裳正書嘉靖八年九月甲戌立探訪冊

沙河建賢像碑記

嘉靖庚寅孟秋望後三日後學生鍾大振識同上

知縣任環祠堂碑

知縣毛國賢去思碑

以上兩碑撰書人俱無考縣志

前邑侯祠堂碑

邑人胡三省撰前邑侯謂任環毛國賢楊世卿王進朝蕭泮韓士六人

知縣杜旻遺愛碑

善政實錄碑

知縣左佩弦去思碑

三碑亦俱無考俱同上

謹按據採訪冊杜旻遺愛碑在度口村東賜進士出身知沙河縣事焦源溥撰
文文生張彩正書舊志無考云云指在縣治之碑此碑當是村民別立者今猶
存

沙河縣志

卷十 文獻志下 金石

三十五

